

الرشاد

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

ویردکاری حکمه خاطر، کوکه رعایت ایدلدیکی کبی، رشوت وارتکابکده وقوعبولیه جغه هرشیعی قانع اولدیغندن، محکومک کردنداده اطاعت واتیقادی اولسندن بشقه برچاره سی قالمز. بو مجتهد محکمه لری طرفندن هیچ بر رسوم طلب اولندیغنی کبی حکم ایچون ده برشی طلب ایدلمز.

هنوز محکمه یه مالک بولنمیان بعض ایران قونسولوسخانه لرنده وقوع بولان دعاوی، بوکبی مجتهدین حضراتنه حواله ایدیلوب، ویریلن حکمی قونسولوس اجرا ایدر.

بالاده جامع الشرائط مجتهدلردن صکره ایکنجی درجه ده علما دخی واردرکه بونلرکده حرمت و اعتبارلری آز دکلدرد. انجق مقلدلری یوقدر. مجتهدلر ایسه نمازلرینی - نجفده، حضرت علی؛ کربلاده، حضرت حسین؛ کاظمیه ده، حضرت امام موسی الکاظم؛ سامرا ده، امام حسن العسکری ائمه حضراتنک مرقد شریفه لری مدفون بولنان (ضریح شریف) ک خارجنده کی صخلرده قیلار ودرس وموعظه لرینی ده اوراده ایفا واجرا ایدرلر.

حال حاضرده کی مجتهدلر صوک درجه دیانت ومشروطیت پرور ذوات اولوب، کرک ایران، کرک عثمانلی مشروطیتی صوک درجه تأیید وخلقه تبعیت ایللری لزومی اطرافیه تفهیم ایلشلدرد.

خطه عراقیه ده کی ایران مجتهد وعلما لرنک همت عالییه ومساعی مشکوره لری سایه سنده بوتون جعفری المذهب قبائل وعشایر مشروطیه حرمت و اعتبار ایلکده درلر. بونلرک تاقیناتنه وافتالرینه قارشو، بدخواهانک تلقینات واغوالری پاره ایتماش واک صکره کرکی کبی قبائل بیننده مشروطیت محبتی یرلشوب کوکلشمشدر. بوسنه اون تموز رسم یکیدینه اشتراک ایدن بوتون قبایل وعشایر شیخلرینک بغداد اتحاد وترقی قلوبنده بیان ایتدکاری حسیاتلری هپ بومجتهدلرله خطه عراقیه ده موجود اولان کنج وسائر مشروطیت مجبارینک تلقیناتندن ایلروکلدیکی هر درلو اشتباهدن ازاده در.

ن.م. توفیق

کربلا

مَطْبُوعَات

اجنبیلر بزه درس حیات ویریورا

کجن کون اقدام جریده سنه بک اوغلنده مقیم فرانسزلر طرفندن متعدد امضالرله کوندریلن مکتوب حیات آموزدر:

«محرر افندی

برمدندن بریدر، فرانسه پولتیقه سی علیهنده مجاهده ایتدیکیزی کوروپورز. سزی اک زیاده تأمروهیجانه کترین شی، خرسیتانلر علیهنده ارتکاب ایدیله جک افسال قبیحه دن ترکیای مشول طومقی یولنده اولان فرانسه ادعاسی اولدینی کوریلور.

فرانسز اولدیغمز ایچون، کندی مملکتمز اولان فرانسه علیهنده کی مقالاتکزدن مکدر اولماقاعمز ممکن اولیور؛ فقط هرشیدن مقدم عدالت

وانصاف طرفداری اولدیغمزدن سزک بوخصوصده حقکز بولندیغنی تسلیم واعترافده مجبور اولیورز.

بز، برچوق سنه دن بری ترکیاده ساکن بولنیورز. حتی ممالک عثمانیه بی باشند باشه طولاشدق. تجربه ومشاهده مزه مستنداً شمدی علناً بیان ایتک مجبوریتنده یزکه، اوروپا سزک حقکزده حقیقه مغایر شعار عدالت معمله ایدیور. سز، مرید وناموسکار آدملرسکز. سز، اجنبیلره فنالق یاققدن، تجاوز ایتکدن قطعاً اوزاقسکز. بوکاطیبعتکز مساعددکلدرد. بز، صمیمی تأثراتمله سزه بیان ایدیورزکه سز، کندی آغوشکزدده هر نوع ییلانلر بسلیورسکز! بوسوزلرمله، عثمانلی تبعه سنک اوقسمندن بحث ایتک ایسته یورزکه بونلر، ممکن اولدینی قدر چوق پاره قزاق ایچون عثمانلی اولشلردرد. عثمانلی ایمراطورلری دوچار تهلکه اولنجه، بونلرقلبا مربوط اولدقلری تابعیته کچرلر، وهرنه واسطه ایله اولورسه اولسون سزه آلاجه سنه اهانت ایدرلر.

بزم ترکلر [۱] حقنده، حقیقی ترکلر (یعنی حقیقی عثمانلی مسلمانلری) حقنده پک بیوک توجهمز واردرد. اگر نصایح دوستانه مزی قبول ایدرسه کز سزه شونصیحتلری ویریرز:

بوندن صکره جدیتله چالیشکز، صنایعه، تجارتده، زراعتده ترقی ایتکه غیرت ایدیکز. حوایج ضروریه کزدن اولان موادی اولا کندیکز اعمال ایدیکز. سزک خرابیکزه، باخصوص خرابی معنویکزه هان سبب یکنه اولان او ساخته عثمانیلردن، هیچ برشی صائون آلامق خصوصنده اتحاد ایدیکز.

حتی برکون، آسیایه چکلمک مجبوریتنده قالیرسه کز، بو اشخاصی آراکزه قبول ایتیهیکز.

زواللی ترکلر (مسلمانلر)، کندی مملکتکزی کندیکز ترقی ایتدیریکز... اگر سز، برکون استانبولی الدن قاچیرمق مجبوریتنده قالیرسه کز، نه قدر کیمسه لر، باخصوص روملر، - که سزک حقکزده اوقدر تفوهاتده بولنورلر - سزه پک زیاده تأسفخوان اوله جقلردرد. آنلر کندی کندیلرینه شو صورته سویلنه جکلردرد: «آه نرده او ای زمانلرکه، بوراده ترکلر اجرای سلطنت ایدیورلردی. او زمانلرکه، هر شی بزه مساعد ایدی. اوزمانلرکه، بز، ایستدیکمز قدر پاره قازانیوردق.»

ذکیلر، اک عقلی باشند اولانلر، پک اعلا بیلورلرکه، آنلر ایچون نه بلغارلرله، نه دیکرلرله او قدر راحت ورفاه ایچنده یشامق ممکن اولیه جقدرد. بونلر، مملکت اصلیه لرینه عودت ایتک خصوصنی ده اصلا خاطرلرینه کتیرمزلر. زیرا بیلرلرکه، اوراده آجلقدن تلف اوله جقلردرد.

حقیقتاً شایان تأسف درکه، ایمراطورلغکز اهالیسی یالکز ترکلردن (مسلمانلردن) عبارت دکلدرد... زیرا او صورتده سزی دها ایو طایبق، و سزی دها چوق تقدیر ایتک ممکن اوله جق ایدی.

اگر سز بدایتده، مثلاً استانبولی فتح ایتدیککز زمانلرده دیکر ملتله او قدر امتیازات بخش ایتهمش، ومملکتکزدده قالمق ایسته یلرک مسلمان اولارینی تحت مجبوریته آلمش اولسه ایدیکز، شمدی بولندیغکزحاله دوشمیه جک ایدیکز.

هر نه اولورسه اولسون، بز یوکسک سسله بیان ایدیورزکه، عالم سزک حقکزده حقسزلق ایدیور. اوروپا سزی اصلاً طانیور و سزک حقکزده، سزک دشمنلریکزک کاذب راپورلری، ومرویاتی اوزرینه اعطای حکم ایتک جرأتنده بولنیور.

او قدر زماندن بری ترکیاده اصرار حیات ایدن بز فرانسزلر، سزه اک صمیمی حرمت وتوجهلرمز حقنده اعطای تأمینات ایدر، و بو کون ایچنده بولندیغکز بحران مصیبت انکیدن ممکن اولدینی قدر اک از ضررله تخلیص کریبان ایتکیزی صمیم قلبمله تمی ایلرز.

[۱] اجنبیلرک «تورک» تعبیرندن مقصدلری، عناصر غیر مسلمنه ک ماعداسی اولان عثمانلی مسلمانلری در.

هامش - بو مقاله مزك غزته كزله درجته ، و اكر ارزو ايدرسه كز آنك جرايد اجنبيه ايله دخي نشريته ، كال ممنونيتله سزه اعطاي مآذونيت ايدپورز .

ايشته فرانسزلك ساخته عثمانلي ديه توصيف ايتديكي روملك عثمانليقله استنزالري وتخت عثمانلي قارشى كستاخلقلى :

تخت عثمانليه بطريقاق تختي

روجه « ثولوغوص » ك ۱۹ تشرين ثاني باش مقاله سندن :

« كرك استبداد زماننده ، كرك اوليغارشى اداره سنده دائماً دوچار تجاوز وتعيييات اولان يونان عرقته دهاسعودانه بر استقبال تحيل ايدن شرق بيوك رئيس روحاني و مليسى ، شرق اورتودوقس كليسانك سانسده كي بيوك وضيا دار ييلديز ، كچن صالى كوني نابوسم ، فقط شانلي بر صورتده افول ايتشدرد .

زيرا بو افول ، بر طرفدن ژون تورك اداره ستنك انهدامى ، ديكر طرفدن يكي بر دور حيات كشاد ايدن احوال و شرائط فوق العاده نك حدودي صره سنده وقوع بولشدرد . اوله احوال و وقايع كه بيوك رئيس روحانيك بر جوق سنه لردنبري ايجنده ياشاديني ، آجيلر واميدسزلكردن ماعدا برشى كورمديكي احوالدين يك فرقيدر .

بو ييلديز ، احوالكه غير قابل حصول فقط جسور وقوتلى خيالنك خلق ايلديكي طاتلى رويالر واميدلر آره سنده سونميدرد .

بو رأس عظيم ومتفكر صوك كونلرده (ره تاليزم) دن اوزاقلاشمى سوردى . حالوكه ، رعيه ستنك ، كليسا امتيازاتنك دوچار تحقير وتجاوز اولديني زمان (ره تاليزم) ي كنديلريله كوروشنلره توصيه ايدردى .

اورتودوقسلغك بو رأس مبجلى بطريقلكي زماننده بر جوق زهرلر ، آجيلر ايجمش ايسه ده صوك كونلرده اميد ايله مالامال يكي بر عالم ايجنده ياشامق بختيارلغندن ده محروم قالامشدر . شيمدى يه قدر تاريخي وظلمديده اولان بطريقلق تختنده اوطورانلر تعقيباندن ، تحقيراتدن ، فلاكتلردن وتجا

وزلردن باشقه برشى كورمديلر . حيات دنويولرنده بر شعلاء اميد مشاهده ايتمديلر ، فقط يواكيم ، ولوكه نجم حياتنك اثنائ غروبنده اولون ، لمعه اميديني كورمش ، قلبى برحظ وجداني وروحاني ايله متحسس اولديني حالده ترك حيات ايتشدرد .

سبيل الرشاد

جراتك ، كستاخلغك بودرجه سى دنيا نك هيچ بريرنده كورولمه مشدر . بوسوزلري استانبولده اداره عرفيه آلنده چيقان بر غزته يازيبور . عثمانلي مسلمانلري يوقايدده كي مكتوبله بومقاله يي كال دقت ايله او قوملى وعبرت آللى درلر . بيجاره عثمانلي مسلمانلري بيك فلاكت ، بيك مصيبت ايجنده قيورانيور ؛ رومانك رأس مبجلى ايسه قلبى برحظ وجداني وروحاني ايله متحسس اولديني حالده ترك حيات ايتمش ! نه طوغرو سوز ، نه آجى حقيقت ! ياشاسين اتحاد عناصر ! شاق ، شاق ، شاق .

بو حقيقتلري بوندن ده بيك اوچيوز بوقدر سنه اول بيلديرن ايشته ايكي دستور قرآن :

(۱) واعتصموا بحبل الله جميعاً ولا تفرقوا - ولا تنازعوا ففشلوا وتذهب ريحكم .

(۲) ولن ترضى عنك اليهود ولا النصارى حتى تتبع ماتهم . فقط بز ، بولايتغير قانونلرك ، بو دساتير اجتماعيه وقوانين حياتيه نك هيچ برينه رعايت ايتمك . نظامسز ، قانونسز كائنات ياشايه مديني كي ماتلر ، جمعيتلرده ياشايه ماز .

قرآنى يالكر نماز ، اوروج كتابى عد ايتمك . بيكلرجه اوامر اجتماعيه وحياتيه نك هيچ بريني نظراهميته آلمادق . عاقبت « فدمرناها تدميراه سرينه مظهر اولدق . متعدد دولتلر تأسيسنه كفائيت ايدمك قدر قطعه لرمن افول ايتمكدن ، يوز بيكلرجه قارداشلرمن محو اولدقدن صوكراده مسلمانلر اويانمايه جق ؛ كتابى ، قانون حياتى آكلايوب آنكله عامل اولمايه جقمى ؛ او ، بيلير ! آرتيق هرشى آكلاشيلدى . طوبلرله ، توفسكلرله بتون حقايق كسب وضوح ايتدى . بوندن اوته سى اضمحلل مطلق در .

يا قرآن ياشايه جق ، يا ملت محو اوله جق !

هم شونى ده بيلملى كه قرآنك يشامه سى بز وجود مزه متوقف دكلدر . (من یرتد منكم عن دينه فسوف يأتي الله بقوم يحبهم ويحبونه اذلة على المؤمنين اعزة على الكافرين يجاهدون في سبيل الله ولا يخافون لومة لائم ، ذلك فضل الله يؤتيه من يشاء ؛ والله واسع عليم .) بز دبدن يوز چويررسه ك الله اوليله بر قوم كتيرر كه كنديسى اوللري ، اوللرده معبود مطلقلىنى سورلر . بو مبارك قوم ، مؤمنلره قارشى رحم ، لكن دشمنلره قارشى شديد اولوب فى سبيل الله مجاهده ايدمك ، لائلك لومندن اصلا پرواسى اولمايه جقدر . ايشته بو مظهريت جناب حقك عنايتى در كه ايتديكنه ويرر . الله واسعدر ، علمدر .

شيوه

بالقائل محاربه سى :

متركه عقيدنى متعاقب مقدمات صلحيه ايله اوغراشلمش وبوهفته لوندرده تشكيل اولونه جق مذاكرات صلحيه يه مرخص تعيينيله اشتغال اولونمش در . دولت عليه طرفسندن عثمانلى آژانسك تبليغه نظراً بحريه ناظرى صالح ، زراعت وتجارى ناظرى رشيد وبرلين سفيري عثمان نظامى پاشالر تعيين اولونمشلردر . بلغارلر طرفسندن دخي باش وكيل وخارجيه ناظرى كشوف ، بلغار باش قوماندانى جنرال صاووف وبلغار ماليه ناظرى طودوروف تعيين اولونمشلردر .

عالم اسلامده تظاهرات

قفقاز ياره :

« نوويه وره ميا » نك قفقاسيه مخبرى ، بالقان محارباتنك قفقاسيه اسلاملى اوزرينه اجرا ايتمش اولدينى تأثيردن بحث ايدمك : « بوراده بيوك برهيجان وار ، اراضى واملاك صاحبي وبيوك سرمايه دارلر ، عمله وبتون مسلمان اهالينك اتحاد اسلام ناشرلري تحت تأثيرنده اولوب توركيه نك دوچار اولدينى مشكلاتى روسيا دولتنك انتريقه سته حمل ايله روسيا عليه بيوك بر جريان فكري ، كيندار بر حس عداوت پرورده ايدپورلر » ديه دوائر حكومتى تيقط واتباه دعوت ايدپور .